

Informationunsblad zum Krautgaart-Geméiskuerf

De Krautgaart-Geméiskuerf funktionéiert nom Prinzip vun der **solidarescher Landwirtschaft - kuerz Solawi**. Bei enger Solawi deelt sech e Grupp vu Konsumenten oder och Membere während enger Saison d'Rekolt vun engem oder méi Betriber.

Vu dass de Bauer vill Ausgaben am Ufank vun der Saison huet gëtt de Bäitrag ganz am viraus oder an Tranche bezuelt. De Mindest-Bäitrag ergëtt sech aus de viraussichtleche Betribskäschte gedeelt duerch d'Unzuel vun de Memberen.



Krautgaart Geméiskuerf September, 2018

Eng Membership beim Krautgaart bedeit:

- All Woch e **Kuerf voll mat frëschem Geméis**.
- Méi wéi **70 verschidde Geméisorten** iwwert d'Saison entdecken.
- **Manner Liewensmëtteloffall** - all Geméis gëtt verdeelt, och Geméis dat optesch net der Norm entsprécht, awer qualitativ dowéinst net méi schlecht ass.
- E **perséinleche Bezuch zum Produzent** an d'Méiglechkeet him Feedback ze ginn.
- Den **ekologesche Gaardebau** - eng nohalteg Notzung vu knappe Ressourcen, wéi Waasser, fruchtbare Buedem a fossiler Energie mat manner schiedlechen Emissiounen fir eis Ëmwelt.
- **Ëmweltfrëndleche Konsum** duerch kuerz Transportweeër a manner Verpackung.
- E **gerechte Loun** garantéiert duerch Transparenz, keng Tëschenhändler an e solidareschen Bäitrag.
- **Schafe vun Aarbechtsplazen** am ländleche Raum.
- Den **Erhalt vun enger klengstrukturierter, villfältiger Landwirtschaft** an domat och enger interessanter Kulturlandschaft.



Eise grouse Gaart zu Stengefort um Rousebiere (September 2019).



Froen an Äntwerten

- **Wéi vill Wochen am Joer kann ech mäi Geméis siche goen?**

D'Längt vun der Saison ass ofhängeg vum Wieder, geet awer mindestens vu Mee bis November. 2020 ass di éischt Verdeelung fir den 24 Abrëll, an di lescht Verdeelung fir den 27 November geplangt. Wann dat éischt Geméis prett fir d'Rekolt ass, informéieren mir eis Memberen.

- **Fir wéi vill Leit ass een Geméiskuerf?**

De Geméiskuerf ass gutt gefällt. Wéi laangs du domat kënnst, hänkt vum Haushalt an den lessgewunnechten of.

- **Wéivill Geméis ass am Kuerf?**

D'Geméiskierf sinn esou zesumme gesat, dass du schéin Menüen kanns kachen. Hei dräi Beispiller:

Mee – Gromperen, Spinat, jonk Muerten, Fr. Zwiebelen, Réidercher, Zalot (Kapp o. Mesclun), Navets, Kohlrabi, Péiterséileg a Kraider

August – Auberginen, Tomaten, Cucumbas* (*sou ginn eis Concomberen op Jamaica genannt), Poivron, Zucchini, Zalot, Mangold, Muerten, verschidden Kabeszorten, Bounen, Gromperen, Ennen, Knuewelek, verschidde Kräider

Oktober – Tomaten, Paprika, Auberginen, Zucchini, Porretten, Muerten, eng Auswahl u Kabeszorten, Potiron, Gromperen, Endivien Zalot, Mesclun, Spinat, Pastinaken, Kraider

- **Wat maachen wann ech emol méi Geméis brauch?**

Dann kanns du als Krautgaart Member Geméis op eisem „Krautgaart-Maart“ bäikaafen. Hei gi mir dir all Woch niewend dengem Geméiskuerf e Choix vun Geméis fir däin Kuerf no Bedarf ze ergänzen.

- **Wéi, wou a wéini kréien ech mäi Geméis?**

De Geméiskuerf kenns du bei ee vun eise Verdeelungspunkten sichen. An eiser Scheier zu **Käerch op 1, chemin de la fontaine** an beim Claude an der Garage zu **Kayl op 7, rue Jules Wilhelm**.

D'Verdeelung op deenen zwou Plazen ass ëmmer **Freides. Zu Käerch vun 16:30-19:30 Auer an zu Kayl vun 17:00-19:00.**

- **Wat brauch ech bei der Verdeelung?**

E groussen Kuerf oder eng Këscht an eventuel Mehrwegbehälter wéi zum Beispill Stofftäschen oder Tuperware-Behälter.

- **Wéi ass den Oflaf?**

Dat frëscht Geméis ass wéi op engem Maart an Këschtchen presentéiert. Op den Tafelen steet wéi vill Geméis all Member ze gutt huet. Jiddereen hëlt sech säin Undeel a peekt en a säi Kuerf.



- **Wéien Geméis kréien ech?**

All Geméiskuerf besteet aus 5 bis 15 saisonalen Geméis- an Kräiderzorten aus eise Gäert. Iwwert d'Joer verdeelt kënnt der esou méi wéi 70 Geméis-Varietäten entdecken. Mir hunn dräi grouss Zären (insgesamt 600m²) an deenen mer och dat méi südlännescht Geméis wéi Tomaten, Paprikaen an Auberginen ubauen.

- **Wat maachen ech wann ech e Geméis net gär hunn, resp. aus gesondheetleche Grënn net iesse kann?**

Fir dës verständlech Situatioun hu mir en Tauschdësch virgesinn. Hei kanns du däin Geméis géint aner Geméis tauschen!

- **Wat maachen ech, wann ech keng Zäit hunn d'Geméis sichen ze kommen?**

Wann Dir eemol keng Zäit hutt äert Geméis sichen ze kommen, dann kann och eng aner Persoun an ärer Plaz kommen. Dës kënne Famill, Frënn oder d'Nopere sinn. Dir musst eis dofir net extra am Viraus informéieren.

- **Wat bedeit d'Risikodeelung an der solidarescher Landwirtschaft?**

Duerch spéiden oder fréie Frascht, Knëppelsteng, staarke Reen oder Drëscheperioden kann et zu Ausfäll bei der Rekolt kommen. An deem Fall kann de Geméiskuerf manner grouss ausfalen. An der solidarescher Landwirtschaft deele sech de Bauer an d'Membere vun der Solawi dëse Risiko.

- **Ass et méiglech mäi Geméiskuerf temporär ofzebestellen?**

Dës ass während der Saison net méiglech. Fir eis ass dës Verbindlechkeet wichteg fir eisen Ubau laangfristeg kënnen ze plangen.

- **Kann ech d'Memberschaft während der Saison kënnegen?**

Grondsätzlech ass dat net méiglech. Du kanns awer e Remplaçant proposéieren, deem d'Geméis weiderhi siche kënnt. E Remboursement ass net virgesinn.

- **Muss ech um Feld matschaffe wéi dat an aneren Solawi-Projeten deelweis üblech ass?**

E puer mol d'Joer organiséieren mir Deeg wou eis Memberen kënnen Hand upaken an eis Gäert kenne léieren. D'Partizipatioun un dësen Events ass fräiwëlleg.

- **Gëtt Geméis bäikaf?**

De gréissten Deel vum Geméis ass aus eise Gäert vu Stengefort an vu Käerch.

Bei verschiddenem Geméis ass de Bäikaf ageplangt. Esou zum Beispill bei den Gromperen wou mer mat den Biobauern Mario Kleer an Fischbach-Reiff zesammenschaffen. Och am Fall wou mer e gréisseren Ausfall bei enger Kultur hätten, kann et sinn dass mir bei engem aneren lokalen Produzent akafen. Am Fall wou e Geméis net aus eisen Gäert ass informéieren mir dech bei der Verdeelung.

- **Wat ass de solidareschen Bäitrag - SoliBa?**

Mir leeë vill wäert drop eise Service kontinuéierlech ze verbesseren an dobäi d'Wënsch vun eise Clienten ze berécksiichtegen. Dat kënne mir am beschte maache wann all eis Ausgaben iwwert d'Recettë vum Geméiskuerf gedeckt sinn an mir dobäi e respektabele Loun verdéngen.

Mam solidaresche Bäitrag kanns Du eis hëllefen dëst Zil ze erreechen! Niewent dem Mindest-Bäitrag vun 800€ pro Saison bidde mer dir weider Bäitrag-Optiounen. Detailliert Informatiounen heizou fënns du op eisem Internet-Site www.krautgaart.com ënnert SoliBa.

- **Hues du nach Froen?**

Dann schreiw eis eng E-mail op gemeis@krautgaart.lu.

Mir freeën eis op d'Saison 2020!



Vun lenks no riets : Roll, Jean-Marc, Annick, Max an Claude